



## AKORDU KOOPERASAUN TEKNIKA NO FINANSEIRA

N.º 01...../2021, laron 19 Agostu

### AKORDU KOOPERASAUN ENTRE CONSELHO DE IMPRENSA RTTL, E.P HO FINS PROGRAMA TELEVIZIVU KONA BA "LIBERDADE IMPRENSA HA'U NIA LIBERDADE" TRANSMISAUN DIRETA NO LIVE STREAMING

Conselho de Imprensa, entidade administrativa independente, kria ho Decreto de Lei N.º25/2015 de 5 de agosto, ho sede rua de Quintal boot, iha ato ida ne'e representa husi Presidente Conselho de Imprensa, **Virgílio da Silva Guterres** no RTTL,E.P nu'udar Empresa Publika ne'ebé kria ho decreto Lei N.26/2008, de 26 de Novembro, iha acto ida ne'e representadu husi Prezidente Conselho Administrasaun, **José António Belo**, konkorda selebra prezente **AKORDU KOOPERASAUN TÉKNIKA FINANSEIRA** ida ne'e, ho baze ba Decreto lei N.º 25/2015, de 5 de agosto, ho nia klazula sira tuir mai ne'e:

#### Klausula I

##### Objetu

Iha prezente akordu kooperasaun ho nia objetu kooperasaun teknika kona-ba Programa Televizivu "Liberdade Imprensa Ha'u Nia Liberdade". Transmissaun Direta no Live Streaming, ne'ebé sei ezejuta tuir planu trabalho aneksu ho transferénsia rekursu finanseiru no ezejusaun teknika programa.

#### Klausula II

##### Planu Programa

Atu alkansa objetu paktuadu, parte sira iha obrigasaun kumpri ba planu programa ne'ebé aneksa iha akordu ida ne'e (aneksa planu programa no oráriu produsaun).

### **Klausula III**

#### **Obrigasaun Komum**

Ba konsekusaun objetu akordu parte sira kompromete atu:

1. Elabora Planu Trabalho relativu ho objetivu sira iha akordu ida ne'e.
2. Ezekuta atividade sira objetu husi akordu ida ne'e, nune'e bele monitoriza nia rezultadu sira.
3. Parte sira decide nia representante institusionais hodi koordena ezekeusaun akordu ida ne'e.
4. Responsabiliza ba kualker dano porventura kausadu sira, dolosa ou kulposamente, husi nia koolaborador sira, servidor sira ou prepostos, ba patrimóniu husi parte sira nian, wainhira ezekeusaun akordu ida ne'e.
5. Analize rezultadu parsial sira, reformula meta sira wainhira nesesáriu ba atinjimentu resultado final.
6. Kumprir atribuisaun própria sira conforme defini ona iha responsabilidade;
7. Realiza vizita hamutuk, wainhira nesesáriu.
8. Disponibiliza rekursus umanus, teknolójiku e matéria sira hodi ezekeuta asaun sira ne'ebé haktuir iha parte sira nian responsabilidade.
9. Wainhira estudio okupadu parte sira bele koordena hodi decide fatin seluk.
10. Permite livremente assessu ba kontrolu internu no externu, relativu ho dokumentu relasiona ho akordu, husi entidade seluk wainhira nesesáriu.
11. Iha kazu sira relativa ho forsa maior nebe impede ezekeusaun programa ou realizasaun produsaun programa, parte rua komunika imediata ba malu nune'e bele realiza fali iha loron seluk.

### **Klusula IV**

#### **Responsabilidade Conselho Imprensa**

Responsabilidade Conselho Imprensa mak hanesan:

- a) Prepara materia no organiza orador sira atu partisipa iha debate televizivu, inklui materia no produsaun ho formatu dokumentáriu ka pakote informativu.
- b) Halo editing ba gravasaun antes publika.

- c) Modera debate televizivu, transmisaun direta no Live Streaming.
- d) Prepara lojistiku sira no osan viejan lokál ba equipa Radio no Televisaun Timor -Leste, wainhira programa ne'e hala'o iha Munisipiu.
- e) Prepara akordu kooperasaun entre instituisaun rua ne'e no asina hotu molok implementa progama ka atividade ida ne'e.

## **Klausula V**

### **Responsabilidade RTTL,E.P**

Responsabilidade RTTL,E.P mak hanesan;

- a) Responsabiliza ba pessoál tekniku, ekipamentu tekníku inklui preparasaun fatin ba gravasaun kada epizódiu debate televizivu.
- a) Transmisaun iha kanál Televizaun tuir oráriu ne'ebé konkorda hamutuk.
- b) Wainhira iha kazu sira failansu tekniku ne'ebé kauza labele realiza produsaun programa, RTTL, E.P komunika imediata ba Conselho de Imprensa nune'e bele realiza fali programa hanesan iha loron seluk.
- c) Prepara Invoice orijinál ho Kop Radio no Televizaun Timor-Leste Empreza Publika no submete ba Conselho de Imprensa wainhira atividade remata iha prazu loron 30 nia laran.

## **Klausula VI**

### **Jerensiamentu ba Akordu Kooperasaun**

1. Iha prazu loron 30 kontu husi selebrasaun akordu, kada parte designa formalmente, mediante iha nia site.
2. Parte sira responsavel ba jerensia ba parseria ida ne'e tenki ho zelar ho nia fiel ba kumprimentu, koordena, organiza, artikula, akompanha monitora no supervisaun ba ezekusaun atividade ida ne'e.
3. Kompete ba designadu sira kona-ba komunikasaun ho parte seluk, relativu ho transmisaun no simu solisitasaun, marka reuniaun sira no dokumentu hotu komunikasaun.
4. Sempre indika ba parte seluk relativa ho kontinuasaun ba desenpeñu ema ne'ebé responsabiliza wainhira akontese substituisaun ne'ebé parte sira bele komunika

ba malu iha prazu loron lima (5) nia laran no indika indetifikasaun ema ne'ebé substitui.

### **Klauzula VII**

#### **Rekursu Orsamentu no Patrimóniu**

1. Conselho de Imprensa mak responsabilidade ba kustu ba antena ho total USD 500,00 ba kada epizódium.
2. CI prepara snack ba bainaka no ekipa produsaun husi CI no RTTL,E.P.
3. Patrimóniu ne'ebé uza iha atividade mai husi patrimóniu Conselho de Imprensa no RTTL,E.P.

### **Klauzula VIII**

#### **Prazu no Vijénsia**

Akordu ida ne'e ho prazu tinan ida (1) konta husi loron 1 fulan Janeiru tinan 2021

### **Klauzula IX**

#### **Kazu Omisso Sira**

Situasaun sira ne'ebé la prevista iha akordu ida ne'e sei solusiona hamutuk hodi buka intendimentu ne'ebé hanesan.

### **Klauzula X**

#### **Konsiliaun no Foro**

1. Wainhira eziste disputa ruma ou konfliktu ruma entre parte sira bele solusiona amigavelmente.
2. Parte sira konkorda katak wainhira iha kazu sira litíjiu insanável kona-ba matéria sira iha akordu ida ne'e tribunal competente mak Tribunal Distrital Díli.

**Dili, 19 Agosto 2021**

  
**Virgílio da Silva Guterres**  
Prezidente CI

  
**José António Belo**  
Prezidente C. A. RTTL,E.P.